

Atque ex his simul conficitur, Expositionem nostram hanc non esse illam, quam *Vol. et P. cit. col. 1032.* produximus *Bedae* quidem bis inscriptam, sed a nobis potius *Haymoni Halberst.* tributam, cujus etiam, ut notavimus, nomine impressa prostat. Denique nec illa est, quae in *Libros VII.* divisa inter *Bedae Opera* edit. *Colon. cit. T. I. col. 714.* legitur. Rem ipse componit *Beda* in supra memorato *Scriptorum suorum Indiculo*, in quo primum se *Libros VI.* dein iterum *Capitula Lectionum* in *Cantica* elaborasse testatur. *Libros* illos *VI.* impressos habes, *Capitula Lectionum* egregius hic *Codex* noster imprimenda offert. Erit tamen praeterea *Editori* de altero etiam in *Proverbia* *Tractatu* circumspiciendum; nam et in haec bis commentatus est *Beda*.

Praetensa *Codici* *Membrana* laciniam offert *Sec. saltem IX.* nitide exaratam per duas columnas, quae continet *Leonis M. P. finem Homiliae V. de Quadragesima*, et *Principium I. de Passione Domini* edit. *Lugd. 1700. p. 106. et 118.* Et prior quidem inchoat a verbis: *Non longe est ab unoquoque quod poscit*, exacteque respondet *Editis*, si *lenitate praescribit* pro *praescripsit* demas. *Istud* vero abit in sequentibus: *Sacramentum dominicae passionis* pro *Sacratissimum Dominicae passionis diem. tam plene pro tam plane. Nemo tetrām diaboli dominationem* pro *Nemo dominationem diaboli. Patri Deo filius deus* pro *filius dei. Ut quia per adam* pro *ut sicut. refudit*

generationes pro refudit atates. nisi in hac fide vixit pro sacra fide vixit. neque illam aequalem et coaeternam — et putemus pro neque illam ita coaeternam et aequalem — ut putemus. Quia non est fastidita humilitas nec pro Non est fastidita humilitas quia nec. tenebamur obstricti pro constricti. Extrema sunt: Non tamen ita se abstenuit gloria — —. Dolenda sane jactura insignis Exempli!

CCCCXII.

Codex membranaceus *lat. Sec. U. 118 IX.* Folior. 188. f. forma paene quadrata, luculente per duas columnas exaratus, minio, literisque initiorum uncialibus conspicuus, et a. 1790. *Parisiis* adlatus complectitur *Ven. Bedae*, qui *Sec. VII. et VIII. Angliam* suam illustravit, *Expositionem in S. Lucae Evangelium.* Praeunt mutuae *Accae* *Episcopi* *Opus* istud exigentis, et *Bedae* aduentis *Epistolae. Reverentissimo In Christo Fratri Et Consacerdoti bedae presbitero acca perpetuam in domino salutem.* Item: *Bedae* *Responsum* absque *Inscriptione: Mira Vere est et mirae (vera mire) doctoris egregii sententia &c.* Sequitur *Elenchus* *Particularum XCIV.* totam *Expositionem* sistens ad hunc modum: *Praefatio. Lucas theophilo euangelium indicat per ordinem Scripturarum. II. Sacerdotium iusti Zachariae refertur et visio in templo qua ei filius angelo reuelante promittitur nasciturus cuius etiam conceptionem memoratur. &c.*

Non habuerunt Editores *Colon.* 1688. T. V. f. hunc *Elenchum*, ad cuius calcem: *Expliciunt Capituli Feliciter*, et mox: *Incipit Expositio In Luca. Liber Primus. Deo Gratias. Amen.* Initium: *Beatus aeuuangelista lucas de omnibus quae cepit ihesus facere et docere &c.* Ita et reliqui Libri. Ad initium tamen Sexti fol. 168. p. 2. additur minio: *XC Bō Non Conaci.* Suspicio, innuere Librarium, haec se non *Conaci* (Coignac in Tractu Engolismensi Gall.) scripsisse, sed quis locus esse possit *XC Bō*, non divino. Finis totius Operis: *sed in laude dei et benedictione conclusit. Amen.* Additur: *Explicit Expositio In Luca Liber VI. Deo Gratias Amen Fiat Fiat.* Membranae hinc inde valde detritae sunt. Textus quidem correctione infra Edita est; inspicere tamen mereretur ab iis, qui *Beda* Opera sub prelum revocare vellent. Ita in Prooemio pro: *novit penitus esse detestanda*, quod habent Edita, reponendum e Codice: *noverit*, et paullo inferius, ubi legunt: *quam unum quatuor*, addendum: *librorum.*

CCCCXIII.

R. 13 Codex membraneus lat. Sec. XIV. Folior. 164. f. per duas columnas eleganter exaratus, coloribus amoenus et *Carolo VI.* Aug. oblatum ab *Apost. Zeno* ejus Poeta et Historico a. 1723. complectitur Ven. *Beda* Presb. Expo-

sitionem *Evangelii S. Lucae.* Incipit epistola acce episcopi ad *Beda* Presbiterum. De postulanda expositione in *Lucam.* De celebri hoc *Acca* e 10. Episcopis *Hagustaldiensibus*, sive *Hexhamensibus* tertio, qui a. 740. obiit, adi *Tanneri Bibl. Brit. Hibern.* Init Epistola: *Reuerentissimo in christo fratri &c. Sepe quidem tue sanctae fraternitati et absens scribendo &c.* Sequitur illam: *Epistola uenerabilis Bede presbiteri ad accam episcopum: pro concessione expositionis in lucam, cuius initium: Domino beatissimo &c. Mira uere est et uere mira (uera mire?) doctoris egregii sententia &c.* Hanc excipit *Elenchus Caputum Operis* in VI. *Libros* tributi, quem non videntur habuisse Editores *Beda* *Colonienses*, utut eodem T. V. Expositioni in *Johannem* simile quid praemiserint. Censent illi *Capita* in *Lucam* *XC VII.* Codex vero noster *XC V.* quorum Prooemium ita orditur: *Beatus Euangelista Lucas de omnibus quae cepit ihesus facere et docere &c.* ut T. cit. col. 217. Integrum Opus hac miniata, viridique alternis clausula terminatur: *Explicit Liber Sextus Expositionis Uenerabilis Bede Presbiteri In Lucam Ad Accam Episcopum.* Quod si olim de *Beda* curatus, quam quidem *Coloniae* factum est, edendo ageretur, non negligendum foret Exemplar istud, ut vel e collatione *Epistolae Accae* liquet, quam addo: